

Die Rietfluit




Rietfluit familiebrief

Maart 2005

GEMEENTE-VISIE

Om dié gemeente te wees waar lidmate,
gedring deur die liefde van Christus, vir mekaar en ander omgee



PAASTYD

Wat is Paasfees?

Paasfees is die viering van die opstanding van Christus uit die graf en van die oorwinning oor die bose. Dit is die sentrale en belangrikste fees van die Christendom. Soos Paulus sê: "... as Christus nie opgewek is nie, is julle geloof waardeloos ..." daarom is dit die mees vreugdevolle tyd in die kerklike jaar en die gedagtes van hoop en nuwe lewe figureer prominent. Reeds van die vroegste tye af het Christene hierdie gebeurtenis gevier. Die eerste Christene het op die eerste dag van die week bymekaar gekom om die opstanding van Christus te gedenk (Hand 20:7). Vanuit die viering van Jesus se opstanding het die hele tradisie van die kerklike jaar ontstaan en ontwikkel.

Wanneer vier ons Paasfees?

Ons vier Paasfees jaarliks op die eerste Sondag na en-nag ewening (gewoonlik op 21 Maart). Paasfees Maart tot en met 25 April. Die viering van teen sonder van Stil Saterdag. Die Paaswaak gevier wat die hele nag geduur het. Vandag word hierdie ou tradisie voortgesit met 'n middernagdiens in sommige gemeentes. 'n Meer moderne neiging is om Paasfees te vier met sonsopkoms die volgende dag. Die tyd tussen Paasfees en Pinkstersondag, 'n tydperk van 50 dae, staan bekend as Paastyd en neem dieselfde plek in die kerklike jaar in as wat die in die week inneem.



die eerste volmaan en die herfs dag-kan dus enige tyd gevier word vanaf 22 Paasfees begin tradisioneel reeds vroeë kerk het Paasfees met 'n


Kleure en simboliek in Paastyd

Die pers van lydenstyd, word met rooi vervang in die groot lydensweek, en met swart op Goeie Vrydag, word laastens met wit vervang, die kleur van oorwinning en reinheid. Die verandering in kleure simboliseer die feit dat ons skoon gewas word van sonde.


Een van die treffendste simbole in Paastyd is die blomme-kruis. Waar die kruis in Lydenstyd 'n prominente rol gespeel het en in of swart of pers gedrapeer was, is die verandering na 'n kruis wat met blomme oortrek word besonder aangrypend. Dit simboliseer nuwe lewe wat uit die kruisiging van Jesus ontspring. Die instrument van dood word nou die simbool van 'n nuwe begin!

Gebruike tydens Paastyd

'n Gewilde gebruik om Paasfees te vier is 'n gemeente-ontbyt vroeg die Sondagoggend. Vir baie wat tydens Lydenstyd gevas het, is dit die geleentheid waar hulle dit breek. Daarom is soetgoed nogal 'n besondere deel van hierdie ontbyt! 'n Verdere item op die spyskaart is hardgekookte eiers waarvan die dop rooi gekleur is. Wanneer die rooi dop afgehaal word en die wit van die eier te voorskyn kom, is dit simbolies van Jesus se bloed wat ons reinig van ons sonde.



2005 Jeugjaar




Stap by Buffelskloof naby Middelburg

Daar is min dinge so wonderlik as om in die natuur te stap en te sien hoe wonderlik die Here alles gemaak het. Van die kleinste dingetjie tot die grootste. Die BKJA het die naweek van 11-13 Maart weer 'n stap roete aangedurf. Ons was 6 van ons gemeente en 8 van Rayton waar Louis Pienaar nou predikant is. Ons doen altyd sirkelroetes (slaap op een plek en loop dan die roetes) sodat almal dit kan geniet. Vrydag het ons daar aangekom, uitgepak en lekker vleis gebraai en daarna om die kampvuur gekuier. Om ons was daar natuurgeluide: Paddas wat kwaak, die stroompie wat kabbel en die vuur wat kletter.

Die Saterdagoggend het ons die 13 km roete aangedurf – natuurlik gewapen met ons water, lekkergoed en ander proviand. Die middag het ons net rustig by die kamp gewees. Party het gaan rus en ander het by die lapa gekuier.

Sondag het ons 'n kort roete aangepak, voordat ons die pad terug Pretoria toe moes aanpak. Soos gewoonlik het die tyd heeltemal te vinnig omgegaan. Maar ongelukkig moes ons maar weer die rustigheid van die natuur verruil vir die gejaag van die stad!!




Belangrike Datums:

Volgende kamp: 20 – 22 Mei 2005. Dit gaan 'n ervaringsleer/avontuur kamp wees.



23-25 September 2005 gaan ons in die Drakensberge stap. Dis iets wat julle nie moet misloop nie. Mens kan dit nie vir ander vertel nie. Jy moet dit self beleef. Begin nou al spaar sodat jy nie agter bly nie.



Die BKJA kom Donderdae 19h00 bymekaar. Dis die groep waar jy net jou self kan wees. Kom skakel in en ervaar dit vir jou self. Na die derde keer sal jy nie wil weg bly nie. Dit werk so: Daar is gewoonlik een groot sosiale byeenkoms wat een keer 'n maand plaasvind.

Die Donderdae word soos volg ingerig:

- 1 vir bybelstudie,
- 1 vir 'n tema
- 1 vir net lekker kuier en
- 1 vir iets spesiaal

Senior Lidmaatbediening en 2005 Jeugjaar



Die Senior Lidmaatbediening bied op 2 April 2005 'n houtwerktegniek-dag vir die gemeentejeug aan. Jongmense (manlik en vroulik) trek op om meer te wete te kom oor:

- Die verskillende gereedskap vir houtverwerking
- Houtsoorte en die uitkenning daarvan
- Eienskappe van hout
- Verskillende wyse van houtverwerking

Waar: 12de Laan 673

Tyd: 8:00

Die braaivleisvure word ook aangesteek – so bring jou stukkies vleis saam vir 'n heerlike kuiertyd!!

GESINSFEES

BLAAS WEER DIE VUUR

SPREKER:
Dr. Johan Smith

Vind plaas by
NG-Gemeente Rietfontein-Suid
h v Ben Swartstr en 16de Laan

Almal is welkom!
Geen koste – Slegs donasies

PROGRAM

*Daar sal
kinderoppassers
wees*

Navrae: Gert & Carine 330-1551 / 082 410-0578
Peet & Tertia 331-0952
e-pos: altheron@iafrica.com

Gesoek

Onthou asb. om koskasbydraes elke eer.
Sondag van die maand te bring. Baie
dankie vir u ondersteuning.



KERK SE BANKBESONDERHEDE

Vir persone wat enige inbetalings in die kerkrekening wil doen
(of aftrekorder wil reël)

Bank - ABSA
Tak - Ben Swart
Takkode - 334 645
Naam - NG Gemeente Rietfontein-Suid
Rek nr. - 090197797

Vir die Penniefluitjies



'n Briefie van Bert Bower:

Liewe Rietfontein-Suid Maatjies



Dit was so goed om te hoor van die kinder- en kleuterkerk en Bybelbende – sjoe, ek was so bly daarvoor dat ek dit vir almal vertel het. Die klein bewers van ons gemeenskap wil ook nou 'n Bybelbende hê en het gevra ek moet vir hulle 'n eie houthuis help bou, spesiaal vir hulle byeenkomste. Wil julle my nie help nie asseblief? Jong ek sit nou eintlik in die probleme want ek weet nie wat julle alles by die Bybelbende doen nie. Sal julle groot asseblief vir my skryf en vertel wat julle alles by die Bybelbende doen, want sien Erik Eekhorning het by my bewerkinders kom kuier en hy wil ook deel wees van die bybelbende. Hy het 'n foto van
himsel gestuur:



Ja, en nog 'n guns... teken asb vir my hoe julle dink die bewerhuis moet lyk. Gooi asb al die briefies in die huisieposbus wat in die kerkportaal is:



Aan: Bert Bower
Rietfluit Redaksiehuis, Boom 3, Tak 4, Rietfonteinspruit

My gebed vir elke maatjie is soos volg:

*Heer, gebruik my om vrede te saai
Laat my liefde aan almal duidelik wees;
Mag my geloof ander motiveer
en vreugde bring waar mense hartseer is.*

Here Jesus, maak my sterk genoeg om ander

te kan troos en te help waar hulle my nodig het,
 Laat ek eerder gee as om self te ontvang en
 vergewe soos U vergewe.
 Laat ek waarlik U kind wees!! Dankie Jesus! Amen
 Liefde
 Bert Beyer



Waarom laat hierdie prentjies jou dink? Probeer 'n storiëtjie oor die prentjies skryf en onthou dis Paasfeestyd!!

